

八瓊室金石補正

第九冊

八瓊室金石補正

■
■
■

八瓊室金石補正卷十五

太倉陸增祥撰

男 繼輝校錄

吳興劉承幹覆校

北魏四

成道敬造像題字

象高四寸七分記刻佛背圓光上
五行行字不一字徑二分正書

熙平元年四月□日成道敬□□造像一區□養一心

供養佛待

孫永安造像記

高六寸六分廣八寸九行行八字
字徑七分正書在洛陽存古閣

大魏熙平元年十月十五日息孫永安奉爲亡母造像

誌表記靈緣云尔

夫塵俗易祛依法□影纏念神跡顯□妙真傳界表白

託信□故道俗興悲業愼□受者矣

刁遵墓誌

熙平二年十月九日
編載卷廿八有志無陰

萃

司空義陽

缺義

松門永閤

永誤作水

碑云姓氏之興錄於帝圖又云攸攸縣胄帝儻之胤

驛代貞賢自唐暨晉刁氏受姓當在堯時帝圖疑讖

緯書名

平津讀碑記

碑陰

兩列上列十四行行十四字下
列存廿二行行十五字字經六分正書

長兄纂奉宗 早亡 妻河內司馬氏

父楚之魏使持節侍中鎮西大□□

啓府儀同三司楊州刺史琅邪□□

第三弟紹奉□ 饒安易二縣□□

妻河內司馬氏 □□□槍□□

第四弟獻奉□ □□□州□□

妻燕郡□氏 □□□書□

第五弟融□□ □□太守

妻同郡□□ □□□中中書監司

缺

第六弟肅奉誠 中□博□ 早亡

妻清河□□□□□□令貝□

子缺

第七弟缺以上列

世子楷□□ 舉秀卞 早亡

妻□□□氏 父相□宋散騎侍郎

第二子□□勝 本州□□□事□□

□□□□氏 父堤□□□侍中□

□大將軍□□□□□□□王

第三子勲□□□□□□□□騎

常侍右 缺

妻同郡高 ☐ ☐ ☐ ☐ ☐ ☐ ☐ ☐ ☐ 參軍

清河 ☐ ☐ ☐ ☐ ☐ ☐ ☐ ☐ ☐ 文公

第四子振 ☐ ☐ ☐ ☐ ☐ ☐ ☐ ☐ ☐ ☐ 將 缺

☐ 同郡李氏 缺

☐ ☐ ☐ 宣季達 ☐ ☐ ☐ ☐ ☐ ☐ 郎太尉

☐ ☐ ☐ 軍 ☐ ☐ ☐ ☐ ☐ ☐ 僕射中

散大夫 ☐ ☐ ☐ ☐ ☐ ☐ ☐ 汝陰太 守

妻河南 ☐ ☐ ☐ ☐ ☐ 侍中尙 缺

司徒□□□□□
缺

第六子□景□□
缺

第七子□□□□
缺

□□□□
缺

第□子□□□
缺

□□
缺

誌末云夫人同郡高氏父允侍中中書監司空咸陽文公錢潛研以爲墓誌之變例未見碑陰也案高允魏書北史均有傳字伯恭勃海碯人漢太傅裒之後封咸陽公官至鎮軍大將軍領中書監卒

贈侍中司空公冀州刺史諡曰文志不言大將軍
冀州刺史者略之耳高氏亦見於史北史刁冲傳
云其祖母司空高允女聰明婦人也誌陰上列載
遵之兄弟見魏書刁雍傳纂魏書作纂云字奉宗
中書侍郎早卒誌不詳其官紹字奉世武騎侍郎
汝陰王天賜涼州征西府司馬奉下所闕是世字
誌言饒安易二縣□□與史互異獻字奉章祕書
郎奉下所闕是章字誌敘其官職見一州字史所
不詳融字奉業汝陰太守是融下所缺爲奉業二
字太守上爲汝陰二字肅字奉誠中書博士是誌

所闕爲書士也弟七弟誌闕史亦不載慕之妻父
司馬楚之魏書北史亦均有傳字德秀晉宣帝弟
太常馯之八世孫封琅邪王官至假節侍中鎮西
大將軍開府儀同三司雲中鎮大將朔州刺史卒
贈征南大將軍領護西戎校尉揚州刺史諡曰貞
誌所闕爲將軍貞王四字不言雲中鎮大將朔州
刺史征南大將軍領護西戎校尉者略之也史稱
假節誌稱持節爲小異其稱開府爲啓府未詳其
故漢諱啓稱開不聞諱開稱啓或係刁氏家諱歟
下列載遵之子息見魏書云長子楷字景伯州舉

秀才早卒是誌所闕爲景伯二字楷弟尙字景勝
本州治中早卒是勝上所闕爲尙景本州下所闕
爲治中餘不可考尙弟整字景智景明中除給事
中領本州中正尋除尙書左中兵郎中正始中除
員外散騎常侍仍除郎中延昌三年拜右軍將軍
仍除郎中尋轉驍騎將軍未幾丁父憂是憇下所
闕爲景智二字騎常侍上所闕爲員外散三字再
上當敘郎中官職右下所闕爲軍將軍三字再下
當是驍騎將軍未可定也憇之妻父疑是高允之
子高懷任東陽王諮議參軍又北史刁柔傳云整

弟宣字季達以功封高城縣侯歷位都官尚書衛
大將軍滄州刺史卒贈太尉公諡曰武誌已闕泐
所可見者僕射中散大夫及汝陰太守等銜皆史
所未詳魏書云送整與弟宜及子恭等幽繫之蓋
誤宣爲宜也宣之妻亦見於史魏書云整弟婦卽
熙姊又云略姊饒安公主刁宣妻也北史同是宣之
妻爲元氏其父爲元英也第四弟六弟七子均不
見於史

孫寶愔造像記

高七寸五分廣二尺七寸七分十
一行行字不一字徑七分正書

大魏神龜元年歲次戊戌三月丙辰朔廿日乙亥青州

高陽郡安次縣人孫寶禧敬造尊像一軀仰資父母又

顛居家眷屬現世安吉一切群生同歸彼垢像主孫寶

禧恭敬供養佛時

清信女佛弟子房令妃供養佛時

右孫寶禧造像記中列蓮臺一佛趺坐其下如彌

陀者右刻一男子象跪而向左題字在其兩旁及

上方蓋卽孫寶禧也左刻一女子像跪而向右後

刻蓮花高出於頂題字在象右蓋卽房令妃也耳

左耳右各列一獅蹲而內向鐫刻頗精寶作寶歸

作歸異文餘恆見

崔勣造像記

高一尺一寸廣一尺七寸五分十八行行字不一字
徑五六分不一碑側五行行字不一字徑三四五分
不一正書在
維縣陳氏

魏貞外散騎常待中堅將軍三公郎中中散大夫高陽

王右司徒府右長史

崔鴻

平西府益州長流叅

軍盪寇將軍齊州別駕司徒府城舌叅軍東中郎九

州二郡賈板臺使徐州倉曹叅軍崔鷟齊州錄事

叅軍廣川太守崔鷟

唯大魏神龜二年歲次己亥九月戌寅朔十一日辛巳

齊州東清河郡命縣人崔勲削滅身資造石像一軀二
侍菩薩上爲皇帝陛下三公主司後爲居家眷屬咸同
斯福

豫主崔勲用錢九千□

碑側

法儀兄弟廿五人各錢一百裁佛金色陳安生

賀孟奴馬文智焦伯奴史曇貞皇市仇猛略

仇僧利王曇玉徐敬小侯巨當孫文徐愛

翟敞魏繼牀王智通仇迷仇强榮文敬賀僧德

□主崔勲法儀□賀神達史僧度王承王文展次栢

右崔勲造象記當在山左出土陳簠齋購藏之前人未見箸錄上鑄兩獅對蹲狀度其上當有佛象獅下橫界邊線上尙有題字僅見半截惟大象二字尙可意會下方題字十八行前十行列崔鴻崔鸛崔鵬銜名次七行爲造象記末行題像主崔勲云云蓋鴻鸛鵬皆崔勲之族也按崔鴻魏書有傳所敘官職與史悉合惟傳於三公郎中後云遷領侍中其後加中堅將軍云領郎如故遷中散大夫云仍領郎中而碑言三公郎中不言領郎中爲不同其正光後所歷之官非造象時所應有也鸛名

不見於史鵬名僅見於子元傳中云爲其叔鵬所
殺耳勲名亦不見於史史有名覲者爲鴻之族弟
官至甯遠將軍羽林監疑卽其人而碑不署官勲
覲異字未可妄斷崔鵬署銜稱城舌參軍舌卽局
之俗□東中郎當是征東鎮東平東之類開府從
事中郎也九州二郡賈板臺□使臺卽臺字官氏
志所不載俞縣史作郇碑蓋省文耳碑云九月戊
寅朔十一日辛巳按朔日戊寅則辛巳是四日十
一日辛巳則朔日當直辛卯碑誤矣通鑑目錄是
年月朔七戊寅九丁丑與碑所題者亦不合